

գլխավոր պատճառներից մէկն այն է, որ սերմանման կոմիտէն հաւաքելով 250,000 փութ սերմացու՝ մօտ 200,000 փութ ալիւր բաշխեց ժողովրդին: Երկրորդ գլխավոր պատճառն է Ռուսաստանից ալիւր չգալը և, վերջապէս, երրորդ այն, որ Ամերիկայի ալիւր բերող նաւերը ուշացել են և յունիսի սկզբին հազիւ տեղ հասնեն:

Կարգադրւած է առաջին հերթին ապահովել զօրքի պաշարը, որ և կատարւած է արդէն, ապա որբանոցների ու հիւանդանոցների և միայն մնացածը բաշխել քաղաքացիներին, այդ պատճառով է, որ հացաբաժինը իջեցւած է քառորդ ֆունտի:

Պարենաւորման ճգնաժամի դէմ կուեղու համար ձեռնարկւած են միջոցներ. այժմ մենք հնարաւորութիւն ունենք Բաթումում գնելու բաւական քանակութեամբ գարի, հնարաւորութիւն ունենք նաև երկրից հանելու ցորեն և ալիւր: Բացի այդ, որոշւած է շարունակել սերմանման կոմիտէի գործունէութիւնը, որը այս անգամ հացահատիկներ պէտք է հաւաքի ոչ թէ ցանկութեամբ, այլ պաշար պատրաստելու համար:

Ձէկերի կուրսը բարձրացնելու հարցին կառավարութիւնը նւիրել է հինգ նիստ, մչակել է 16 միջոցներ, որոնց մէջ յիշատակելի են արտասահմանեան ծախսերի կրճատումն ու ներմուծւող ապրանքների քանակի կրճատումը, ապա որոշւած է ամէն կերպ աջակցել հում նիւթերի արտահանութեան գործին՝ այդ նպատակի համար, ամենից առաջ, տրամադրելով բաւարար թւով վազօններ:

Ընդհանուր գործունէութեան մէջ կառավարութեան ուշադրութեան գլխավոր առարկայ են կազմում երեք խնդիրներ — Հայաստանի անկախութեան ճանաչումը, սահմանների լայնացումը և ներգաղթի կազմակերպումը: Վերոյիշեալ խնդիրների իրագործման համար կառավարութիւնը գործ է դնում իր բոլոր միջոցները և ուժերը (բաւում ծափեր):

Լ. Թադէոսեան. — Ձեկուցում է գիւղատնտեսութեան և պետական գործերի նախարարութեան երկրագործական բաժնի 1920 թ. նախահաշիւի ստիպողական և յաւելեալ յօդածների մասին:

Սորհրդարանը յօդածների քննութիւնից յետոյ, վերոյիշեալ նախարարութեան անունով բաց է անում 3,692,709 ռ. վարկ:

Նիստը փակուած է գիշերւայ ժամը 10 և կէսին:

## ՌԻԹԱՍՈՒՆԵՐԹԵՐՈՐԴ ՆԻՍՏ

(Մայիս 3-ի արտակարգ նիստը)

Նիստին ներկայ է կառավարութեան ամբողջ կազմը. ունենդերները մասն ու պատշաճաբը լին են խուռն բաղմութեամբ:

Նախագահում է Ա. Սահակեան. քարտուղարը կարդում է նոր ստացւած գործերը:

Արտաքին գործերի նախարարի հաղորդագրութիւնը

Արտաքին գործերի նախարար Հ. Օհանջանեան. — Պարոնայք պատգամաւորներ, վերջին շաբաթւայ ընթացքում Անդրկովկասի մէջ Հարեան հանրապետութիւններում, յատկապէս, Ադրբէջանում կատարւում են դէպքեր, որոնք առանձնապէս հետաքրքրական են և անմիջականօրէն վերաբերում են մեր կենսական շահերին. այդ դէպքերի նկարագրութիւնն է, որ պէտք է անեմ այսօր: